



**Jus Canonicvm R.P. Pavli Laymanni, Soc: Jesu Theologi, Et
Olim In Alma Et Episcopali Academia Dilingana SS.
Canonum Ordinarii Professoris**

Juris Canonici A. R.P. Paulo Laymanno Societatis Jesu Theologo SS.
Canonum In Alma, Catholica, Et Episcopali Universitate Dilingana
Professore Qvondam Ordinario, Prælectionibus Academicis Illustrati

Laymann, Paul

Dilingæ, 1673

Capitvlvm XVI. Olim.

[urn:nbn:de:hbz:466:1-62587](#)

His sibi propositis Innocentius III. judicauit, Interdictum *Vnde vi* locum habere non posuisse, cum nec ex Episcopi confessione, neque ex evidentiā facti, nec testium depositione, aliisve judicii actis constet aut probari possit, quod Episcopus hospitalarios spoliārit, vel spoliari mandārit, aut spoliationem ratam habuerit, ideoque Abbatis sententiam caslavit.

S V M M A R I V M .

1. *Super piis locis sua diocesis Episcopus fundatam jurisdictionem habet.*
2. *Non tantum Ecclesia cum fundatur, sed etiam Xenodochio dos debetur.*
3. *Ad litis contestationem sufficit dicere Reum quod non sciat, vel quod non credat vera esse.*
4. *Deiectionem, nomine suo factam ratam habens, conueniri potest interdicto unde vi, etiam si rem non possideat.*

- N**ota I. Episcopus habet jure communī jurisdictionem fundatam super Xenodochiis & aliis locis piis in diocesi sitis, habetur expressius in c. 3. iunct. gl. de Religios. domibus.
2. Nota II. Non tantum Ecclesiae cum fundatur, sed etiam Xenodochio assignanda est dos, ita colligitur ex hoc e. verb. *Possessionibus.* & notat. *Innoc.* & *Panorm.* h. c. n. 1.
3. Nota III. Non requiritur ad litis contestationem, ut Reus neget vera esse, quæ in libello narrata sunt, sufficit si dicat se non scire, nec credere vera esse, qua de re dixi in e. *Vnis. De litis contestatione.*
4. Nota IV. Interdicto *Vnde vi* conueniri non potest, nisi qui alterum possessione etiā corporali tantum deiecit, aut deiecit mandauit, aut deiectionem suo nomine factam, ratam habuit; ut etiam habetur in l. 1. §. *Deiecitur,* & §. *Deiectione ff. De vi,* non tamen requiritur, ut qui deiecit, rem possideat, & si desit possidere, debet restituere, saltem estimationem rei, & quantum interest, vim illatam non esse. cit. l. 1. §. *Ex interdicto.*

¶: (o) : ¶

C A P I T U L U M XVI.

Olim.

P A R A P H R A S I S .

Ovetensis Episcopus cum à Rege Legionensi diocesi suā spoliatus esset, partem aliquam diocesis Episcopi Zamoriensis detinuit; quare Innocentius II. I. Ut eam restitueret, unā cum fructibus perceptis mandauit, sed Ovetensis exceptit, se ob inopiam restituere non posse, nisi prius in Episcopatum suum restituatur. Tum Innocentius rescriptit, quod vana sit actio, quam debitoris inopia excludit, ac proinde dictum Episcopum ad restitutionē perceptorum proventuum non esse cogendum, antequam ipse met restitutus sit.

S V M M A R I V M .

1. *Inopia debitoris non suspendit quidem processum & sententiam: si habeat unde litigare possit, excusat tamen ab executione sententia latæ.*
2. *Nisi agatur actione reali ad rem in sua specie extantem Domino reddendam que sine mora & sine periculo gravioris malo domino reddi possit.*
3. *Ad debita in Ecclesia utilitatem contraria dissoluenda obligatur ipsa Ecclesia, non autem ad ea dissoluenda, qua Prelatus Ecclesiae in suum præcise commodum, delinquendo, v. g. vel inutiliter expendendo contrahit.*

Nota I. Inopia debitoris excusat ab executione sententia latæ de solutione facienda. Ita *Imola hic, in principio. Panorm. n. 6.* Nota, quod dico, ab executione, si enim debitor conventus excipiat de inopia, non ideo processus & sententia suspenditur, dummodo tantum habeat aeris, ut litigare possit. arg. c. 1. b. t. in 6. Sed solūm executio differatur, ita ut cogendus non sit (etiam sine celsione bonorum, si Clericus sit) ad plus, quam commode soluere queat, donec ad meliorem fortunam veniat. Limita cum Imola hic, nisi agatur actione reali, ad rem, quæ in spe-

specie extat, Domino reddendam. hæc enim sine morâ restituî debet, exceptâ necessitate seu periculo grauioris mali, quod restit. uendo incurreret debitor, v.g. si equo alio in digeat ad vitam saluandam, aut aliud graue damnum declinandum, ita ut Dominus rationabiliter contentus esse debeat, restitutionem saltem hoc tempore non fieri, quare nec in hoc capitulo Ovetensis Episcopo permittitur, ut partis diœcessis restitutionem differat, sed solum perceptorum fructuum.

3. Nota II. Si Prælatus debita contrahat, quæ in Ecclesiæ sua utilitatem cesserunt, ipsa Ecclesia obligatur ad restitutionem, c. i. *Desolutionibus.* Et sumitur ex hoc Cap. Cum enim Episcopus Ovetensis ex Episcopatus sui redditibus ali debuisset, id est si aliunde sustentationem accepit, videlicet ex redditibus Episcopi Zamoriensis, episcopatus eo nomine obligatus manet. Ceterum si vel delinquendo vel inutiliter absumento debita contrahat Prælatus, obligari non debet Prælatura, v.g. Episcopatus, ita ut successor solvere teneatur, quia delictum personæ non debet in damnum Ecclesiæ redundare. *Reg. 76. in b.* nisi Capitulum seu conventus consensum dedisset, ut ibi limitat *Dynus n. 4.* Id vero consuetum est; si Prælatus aliisve beneficiarius talia Ecclesiæ aut beneficio non utilia debita contraxerit, & ex Patrimonialibus soluere non possit, ut fructus seu redditus Ecclesiastici ex mensa eius adamantur, & creditoribus addicantur, donec debita soluta sint, quæ de re *Panorm. in c. 2. n. 11. de fidei soribus.*

CAPITVLVM XVII.

Olim.

PARAPHRASIS.

Inter Episcopum Parisensem & quendam Abbatem controversia erat super jurisdictione in parochiam, cuius possessione Episcopus dicebat se spoliatum ab Abbatte, & cum probare deberet, id solum allegavit & ostendit, quod sententiam interdicti in eam Ecclesiam tulisset & po-

pulus acceptasset, sed Innocentius III. respondit, ex eo solum, quod populus timore sententia à dominis per dies aliquot abstinuit, Episcopum possessionem juris parochialis assecutum non esse, quare cum non probauerit, quod vel eo tempore, vel prius quam sententia illa lata est, possessionem habuerit, non posse ei restitutionem adiudicari.

SUMMARIUM.

1. *Qui agit interdicto unde vi, aut interdicto retinenda, debet possessionem probare, saltem presumptiu, & quidem interdicto retinenda, antiquiore.*
2. *Non sufficit ut de spolio agere volens siue interdicto de vi, siue interdicto retinenda agat, probet titulum tantum, aut rei se dominum esse: quamuis in pari causa possessionis etiam bonum sit, titulum aut dominium probasse.*
3. *Latum à Prælato interdictum seruare ex metu, non est illius jurisdictioni se subjecere; neque Prælato tribuit possessionem jurisdictionis.*

Nota I. Qui agit interdicto *Vnde vi,* debet probare se possedisse, alioqui enim spoliari non potuisset, quia spoliatio supponit formam. c. 8. *Quod vero 32. q. 2.* Sufficit tamen si probet præsumptiu, ostendendo se olim in possessione fuisse, tunc enim præsumitur eam continuâsse, donec contrarium ostendatur, ut colligitur ex hoc cap. Et idem multo magis locum habet in possessorio retinenda, videlicet si duo sibi possessionem vendicent, eius possessionem præferendam esse, quæ antiquior est. Vti docent DD. nominatim *Innoc.* & *Panorm. inc.* Cum ad sedem. n. 20. b. t. Ratio est, quia alter, qui postea possessionem aggressus est, præsumitur clam & iniuste eam sibi usurpare, nisi contrarium ostendatur, arg. c. *Licet. q. de Probat.* & ex communi docet *Mascardus. conclus. 1193.*

Nota II. Non sufficit si de spolio agere volens dicat & demonstret se Dominum rei esse, exinde enim non colligitur possessio,

z

cūm